

Die Svirit Chriembilt alreſte erfach

V. Auentiure.

**M**an ſach ſi tageliche, no riten an den Rin.  
di zer hochgeite, gerne wolden ſin.  
die durch der chunige liebe, chomen indas lant.  
man gap da genvogen, bediv roſſ vnt ovch gewant.



In was ir gesidele. allen wol bereit.  
den hohsten vnt den besten. als uns das ist geseit.  
zwein vnt drizzech fursten. da zer hohgecite.  
da zierte sich engegene. nil manic iuncfrowe sit.

Ez was vil vnnuzlich. Gifelher das chint.  
die vrenden vnt ir mage. vil goelliche sint.  
empfienger vnt Gernot. vnt ovch ir beider man.  
ia grvsten si die degene. als ez nach eren was getan.


Die golt varwen satele. si brahten indas lant.  
die zierlichen schilde. vnt herlich gewant.  
durch des wirtes liebe. zu der hohgecit.  
vil manigen vngesunden. sach man vrolichen sit.

Die inden peyen lagen. vnt heten wunden not.  
die wvstin des vergezen. wie herte was der tot.  
die siechen vngesunden. die wvstin si verklagen.  
si freuten sich der märe. gein der hohgecite tagen.

Wie si lebn wolden. da zer wirtschaft.  
wnne ane mase. mit freuden vberchraft.  
heten al die lute. swaz man ir da vant.  
des hoop sich nichil wnne. vber al das Gunthers lant.

An einem pfiensf morgen. sach man for gan.  
gekleidet wnnekliche. vil manigen chunen man.  
fouf tusint oder mere. da zer hohgecit.  
der lop vil vollekliche. an den Burgonden lit.

Der wirt der het die sinne. im was wol bekant.  
wie rehte hercenliche. der helt von Niderlant.  
sine swester tvote. swier si niene gesach.  
der man so grozer schone. vor allen iuncfrowen iach.



Er sprach nu ratet alle. mage vnt mine man.  
wie wir die hochgecîte. so lobeliche han.  
daz man vns drumbe iht schelte. her nach dirre cit.  
ein ieslich lop vil stäte. ze iungest an den werchen lit.

Do sprach vzer Mezen. der degen Ortewin.  
welt ir mit vollen eren. zer hochgecîte sin.  
so solt ir lazen schowen. diu winneklichen kint.  
die mit so vollen eren. hie zen Burgonden sint.


Waz were mannes wunne. des freute sich ir lip.  
ez entäten schone meide. vnt herlichiv wip.  
ir lazet iwer swester. for iwer geste gan.  
der rat was zeliiebe. vil manigem degene getan.

Des wil ich gern volgen. sprach der kunic do.  
alle die ez erfunden. die warns harte vro.  
man saget och daz froun Vten. vnt ir tochter wolgetan.  
daz si mit ir megeden. hin zehove solde gan.

Do wart v; den chisten. gesuchet gvot gewant.  
swaz man inder valde. der lichten wäte vant.  
porten vnt pouge. des was in vil bereit.  
sich ziert minnekliche. vil manic wätlichiv meit.

Vil manic reche tumber. des tages hete mvot.  
daz er an zesehene. den frouen wäre gvot.  
daz er da for nâme. niht eines kuniges lant.  
si sahen die vil gerne. die si heten nie bekant.

Do hiez der kunic riche. mit siner swester gan.  
die ir dienen solden. wol hundred siner man.  
ir vnt siner mage. die trugen swert enhant.  
daz was daz hofgesinde. vzer Burgonden lant.



Voten die vil richen. die sah man mit ir chomen.  
div hete frowen schone. gefellechlich genomen.  
wol hundert oder mere. die trugen richiv kleit.  
nw gie mit Chriemhilde. vil manic wätlichiv meit.

Von einer kemenaten. sach man si alle gan.  
da wart vil michel schowen. von rechen gar getan.  
die des gedingen heten. ob kunde daz geschehn.  
daz si Chriemhilde. solden vrolichen sehen.


Nw gie div minnekliche. also der morgen rot.  
twot v; den troben wolchen. da schiet von maniger not.  
der si da trvg inhercen. vnt lange het getan.  
er sach die minneklichen. nw vil herlichen stan.

Da luht ir von ir wäte. vil manic edel stän.  
ir rofen rotiv varwe. vil minnekliche schein.  
swer so wnschen solde. der enkünde niht geiehn.  
daz er indire werlde. häte schoners iht gefehn.

Sam der liehte mane. vor den stern stat.  
des schin so lütterliche. ab den wolchen gat.  
dem stont si vil geliche. vor maniger frowen gvot.  
des wart vil wol gehöhet. den zieren heleden der mvot.

Die richen kameräre. die sach vor in gan.  
die hochgemvoten degene. dine wolden daz niht lan.  
sine drungen da si sahen. die minneklichen meit.  
Sivride dem edelen. was beidiv lieb vnt leit.

Er daht insinem mvote. wie kunde daz ergan.  
daz ich dich minnen solde. als ich gedingen han.  
sol aber ih dich vrenden. so wär ich sanfter tot.  
er het von ir schulden. tovgen lieb vnt not.



Do stunt so minnekliche. daz Sigemundes kint.  
sam er entworfen wære. an ein permint.  
von guter meister listen. als man im do iach.  
daz man helt deheinen. so wätlichen nie gesach.

Die mit Chriemhilde giengen. die hiezen von den wegen.  
wichen allenthalben. daz leiste manic degn.  
div hohe tragenden hercen. freuten manigen lip.  
man sach ingrozen zohnten. vil manic herlichez wip.

Do sprach von Burgonden. der herre Gernot.  
der in sinen dieneft. so minnekliche bot.  
Gunther lieber bruder. dem solt ir tun alsam.  
vor allen disen degenen. des rats ich nimmer mich gescham.

Ir heizet Sifriden. den Sigemundes spon.  
gen zu Chriemhilde. ob ir wol wellet tuon.  
div nie gegruozte rechen. div sol ingrozen pflegn.  
da mit wir zeinem vrunde. habn den zierlichen degn.

Do giengens wirtes mage. da man den rechen vant.  
si sprachen zu dem kunige. uzer Niderlant.  
der wirt hat in erlobbet. ir sult ze hove gan.  
sin swester sol inoch grüzen. daz ist zen eren in getan.

Do wart der degen gvote. der märe vil gemeit.  
in truger indem mvote. lieb ane leit.  
daz er sehn solde. daz minnekliche kint.  
mit minneklichen togenden. si grovte Sifriden sint.

Do si den hochgenvoten. vor ir stende sach.  
do enzonde sich ir varwe. div schone magt sprach.  
sit willekomen herre Sifrit. ein edel ritter gvot.  
do wart in von dem grovze. vil wol gehöhhet der mvot.

Er neigir vlyzckliche. bi henden si in vie.  
wie rehte minnekliche. der reche bi ir gie.  
mit lieben ovgen blichen. ein ander sahen an.  
der herre vnt ovch div frowe. daz wart tovgenlich getan.

Wart iht da friontliche. getwongen wisiv hant.  
von hercenlieber minne. daz ist mir unbekant.  
doch enmac ich niht geloven. daz ez werde lan.  
si het im holden willen. harte schiere kunt getan.

Bi der sumercite. vnt gein des mejen tagen.  
chynder in sinem herzen. nimmer me getragen.  
minneklicher freuden. denner ir do gewan.  
do im div gie so nahen. die er zetrote wolde han.

Do gedachte manic reche. vnt wär mir sam geschehen.  
daz ich ir gienge in hende. sam ich in han gefehn.  
oder bi zeligene. daz liez ich ane haz.  
ez gediente noch nie reche. nach einer kuniginne baz.

Von swelher kunige landen. die gestu chomen dar.  
die namen al gemeine. niwan ir zweier war.  
ir wart erlobbet kuffen. den wätlichen man.  
im wart bi sinem lebene. nie so liebe getan.

Der kunic von Tenemarche. der sprach sa zestont.  
diss vil hohen grozes. lit maniger ungesont.  
des ich vil wol enpfunde. von Sifrides hant.  
got enlaze in nimmer mere. komen inminiv fursten lant.

Do hiez man allenthalben. wichen von den wegen.  
den minneklichen frowen. vil manigen chvenen degen.  
sach man gezogenlichen. ze hofe mit ir gan.  
sit wart von ir gescheiden. der vil wätlich man.

Do gie si zu dem munster. ir volgete manig wip.  
do was och so gezieret. der Chriemhilde lip.  
daz da hoher wnsche. maniger wart verlorn.  
si was da zungen weide. vil manigen rechen geborn.

Vil chome erbeit Sifrit. daz man da gefanc.  
er mohte sinen salden. immer sagen danc.  
daz im diu was so wäge. die er inhercen trovoh.  
och was er der schonen. holt von schulden genvoh.

Do si chom fur daz munster. sam er e' hete getan.  
man sahe in frivntliche. zu Chriemhilde gan.  
do begunde im danchen. diu vil schoniu meit.  
daz er vor ir magen. so rehte herlichen streit.

No lon io got her Sifrit. sprach daz schone kint.  
daz ir daz habt verdienet. daz io die rechen sint.  
so holt von warn schulden. als ich si hore ichn.  
do begunder minnekliche. an vroun Kriemhilden sehn.

Ich sol in immer dienen. also sprach der degn.  
vnt enwil min hovbet. nimmer e' gelegen.  
ich engedien ir hulde. als ich des willen han.  
des ist ein teil frow Chriemhilt. nach iuern hulden ergan.

Inre tage zwelfen. der tage al ieselich.  
sach man bi dem rechen. die maget lobelich.  
so si zehose solde. vor den fursten gan.  
diu ere wart dem degene. durch groze liebe getan.

Dreude vnt wne. vil grozlichen schal.  
sach man da tageliche. vor Guntheres sal.  
dar vor vnt och dar inne. von manigem chvningen man.  
Ortwin vnt Hagene. grozer wnder da began.

Swes iemen pflegen solde. des warn si bereit.  
mit volleklicher mase. die helde vil gemeit.  
des wrden von den gesten. die rechen wol bekant.  
da von was gezieret. alles Guntheres lant.

Die e' da wnde lagen. die sach man fur gan.  
si wolden chürzwilen. mit des chuniges man.  
schirmen mit den schilden. vnt schiesen manigen schaft.  
des hulffen in genwoge. si heten grozliche kraft.


Inder hochgecite. der wirt der hiez ir pflegn.  
mit der besten spise. er hete sich bewegn.  
aller hande schande. die ie kunie gewan.  
man sach in minnekliche. zwo den sinen gesten gan.

Er sprach ir goten degene. e' daz ir scheidet hin.  
so nemt die mine gabe. also stet min sin.  
daz ich ez immer diene. versmählt niht min got.  
daz wil ich mit ir teilen. des han ich willigen mvot.

Die von Tenemarche. sprachen sa zehant.  
e' daz wir wider riten. heim inunser lant.  
wir gern stäter svone. vnt gebn michel got.  
vnt sezen ir des sicherheit. swie irch des selben dunchet got.

Livdegast geheilet. siner wunden was.  
der vogt von den Saksen. nach strite wol genas.  
ettesliche toten. si liezen dar enlant.  
do gie der kunich Gunther. da er Siuriden vant.

Er sprach zu dem degene. nu rate wie ich tuo.  
die unser widerwinnen. wellent riten svuo.  
vnt gernt stäter svone. an mich vnt mine man.  
nu rata degen chvone. was dich des got dvnche getan.



Was mir die helde bieten. daz wil ich dir sagen.  
swaz funfhundert möre. goldes mugen tragen.  
daz gäben si mir gerne. wold ich si ledich lan.  
do sprach der herre Sivrit. daz wäre vil ubele getan.

Ir solt si ledcklichen. hinnen lazen varn.  
vnt daz die rechen beide. mere wol bewarn.  
daz si immer mer geriten. mit here in iwer lant.  
des lat in sicherheite. von der beider herren hant.


Des rates wil ich volgen. damit si giengen dan.  
den sinen widerwinnen. wart daz kunt getan.  
ir goldes gerte niemen. daz si da boten e.  
da heime ir lieben frivnden. was nach den her moden we.

Vil manige schilde volle. man dar schazes trovoh.  
er teiltes ane wage. den frivnden sin genwoch.  
bi funfhundert marchen. vnt eteflichen baz.  
Gernot der vil chune. der riet Gvnthere daz.

Urloyp si alle namen. also si wolden dan.  
do sach man die rechen. for Chriemhilde gan.  
vnt ovch da froy Vote. die kuniginne saz.  
ez enwart noch nie degenen. mere gevlobbet baz.

Herberge wden läre. do si von dannen riten.  
noch bestvnt da heime. mit ritterlichen siten.  
der kunich mit sinen magen. vil manic edel man.  
die sach man nu tägliche. for frown Chriemhilde gan.

Urloop ovch nemen wolde. Sivrit der helet gvot.  
ern trovte niht verenden. des er da hete mvot.  
der kunie daz sagen horte. daz er wolde dan.  
Gisfelher der iunge. den degn vlegen do began.



War woldet ir nu riten. vil edel Siwrit.  
belibet bi den degenen. twot des ich ouch bite.  
bi Gonthere dem kunige. vnt ouch bi sinen man.  
hie ist vil schöner frowen. die sol man gerne ouch sehen lan.

Do sprach der starche Siwrit. diu ross diu lazet stan.  
ich wolde hinnen riten. des wil ich abe gan.  
vnt traget ouch hin die schilde. ia wold ich in min lant.  
des hat mich her Gifelher. mit grozen triwen erwant.

Sof beleip der kune reche. durch friwende liebe da.  
ia wär er inden landen. ninder anderswa.  
gewesen also sanfte. da von nu daz geschach.  
daz er nu swenner wolde. die schonen Chriemhilde sach.

Durch ir vmmazen schöne. der herre do beleip.  
mit maniger kurcwile. man im die zit vertreip.  
wan daz in twanch ir minne. diu gab im dicke not.  
dar vmbe sit der ehvene. lach vil iämerliche tot.

Iteniwe märe. sich hoben umben Rin.  
ez sprachen zu dem kunige. die hosten mage sin.  
war vmbe er niht ennäme. ein wip zu siner e'.  
do sprach der chunic riche. ine wil niht langer biten me.

Des wil ich beraten. wa ich die moge nemen.  
diu mir vnt mine riche. ze frowen moge zemen.  
an edel vnt ouch an schone. der gib ich miniu lant.  
als ich die recht erwinde. si sol ir werden wol bekant.